

江應宿先生

江應宿。歙縣人。其父璫。字民瑩。爲邑名諸生。璫因病棄而學醫。應宿遂世其業。璫所著有名醫類案十二卷。其書成於嘉靖己酉。各詳其病情方藥。璫所隨事評論者。亦夾註於下。發明頗爲精密。璫初撰是編。未及刊刻。璫沒之後。應宿又以璫之醫案。分類附之。歲久版蝕。歙縣鮑廷博。乃爲之重刊焉。

江應宿醫案目錄

傷寒	一
暑證	二
霍亂	三
虛損	三
誤吞金鐵	四
鼻	五
癆瘵	五
痿	六
耳	六
腹痛	七
脚氣	七

江應宿醫案

武進徐衡之編纂
嘉定姚若琴

嘉善俞震東扶評注

嘉定張壽頤山雷平議

傷寒

沐寧潘桂年六十餘。客淳安。患傷寒。亟買舟歸。已十日不更衣。身熱如火。目不識人。譫語煩躁。揭衣露體。知惡熱也。小便祕澀。腹脹脈沈滑疾。與大柴胡湯。腹中轉矢氣。小便通。再與桃仁承氣湯。大下黑糞。熱退身涼而愈。

平議。脈證皆當用承氣。而必投大柴胡湯。終是前明風氣。究竟氣火升浮之症。柴胡必非所宜。况脈沈滑疾。裏結明徵。而必以柴胡發之於外。古人之愚真不可及。

都事靳相莊患傷寒。十餘日。身熱無汗。怫鬱不得臥。非躁非煩。非寒非痛。時發一聲。如歎息之狀。醫者不知何證。應宿診之曰。此懊憹怫鬱證也。投

以梔子豉湯。一劑十減二三。再以大柴胡湯。下燥屎。怫鬱除而安臥。調理數日而愈。

平議。此即胸中懊憹。痰熱閉結於中之症。法當開泄化痰。枳豉雖能開結清熱。然力甚薄。宛嫌不逮。若其甚者。即是陽明府實。故必繼之以大黃也。

暑證

余岳母。年六十餘。六月中旬。勞倦中暑。身熱如火。口渴飲冷。頭痛如破。脈虛豁。二三至一止。投入參白虎湯三貼。渴止熱退。惟頭痛。用白蘿蔔汁吹入鼻中。良愈。

孫子華。赴試南都。六月初旬。夢遺。畏寒驚懼。重裘厚被。取汗過多。身熱。六脈滑數無力。與清暑益氣湯。次日舌強語言不清如癰。目瞪不識人。江曰。此爲暑風。與人參白虎湯。加膽星。礞石。秦艽。天麻。竹瀝。薑汁。漸愈。數日後。舌心黑如墨。與黃連解毒湯。涼膈散。不退。與犀角地黃湯。而愈。

一人瘦長而脆。暑月過勞。飢飲燒酒。遂身熱汗出。昏憒語亂。江視之。脈皆浮小而緩。按之虛豁。曰。暑傷心勞。傷脾也。蓋心藏神。脾藏意。二臟俱傷。宜有是證。法宜清暑益脾。用八物湯加麥冬。山梔。陳皮。十餘貼而愈。

震按。江公三案。正可法。其第二案解毒涼膈。不應換犀角。地黃湯始愈。又知同一涼藥。亦有對與不

對別之。

霍亂

婦人。六月中旬。病霍亂吐瀉轉筋。醫投霍香正氣散。加煩躁面赤。揭衣臥地。江診之。脈虛無力。身熱引飲。此得之傷暑。宜辛甘大寒之劑。瀉其火熱。以五苓散加石膏滑石。吐瀉定。再與桂苓甘露飲而愈。

震按。霍亂乃最輕之病。何以仲景於傷寒後列爲一門。豈北五省之霍亂重於江浙耶。就江浙論。則霍亂因暑溼者多。香薷飲加苓半霍香蒼朮木瓜等卽效。黃連石膏不可輕用。人參尤不可輕用。

虛損

祁門人周三，年近三十，潮熱咳嗽咽啞，診之六脈弦數。周故以酒豪，先年以醉後嘔血數升，遂咳不止，百治不應。肌食遞減，煩躁喘滿。江與四物換生地，加貝母、丹皮、麥冬、五味、阿膠煎服。加蔗漿一小盃，薑汁少許。漱漸止，食少，再加白朮、茯苓、人參，食漸進。夜嚙太平丸，晨服六味合生脈，加枸杞爲丸。兩月嗽止，半年肥白如初。

震按：此條純是今人治損怯法。兩月嗽至半年全愈，亦頗有之，但不能盡如是耳。

誤吞金鐵

一人犯事，自吞黃金二錢，心中憤憤，無可奈何。少頃，其事得釋，欲求生，邀江治之。四肢厥冷，六脈沈伏，計無所出，因思銀工鎔金必用礪砂，礪能製金。急四錢爲末，市粥丸分二次服下。少頃煎承氣湯利下。礪裏金從大便出而安。

江又載凡人溺死者，及服金屑未死者，以鴨血灌之可活。

鼻

王曉鼻塞氣不通利，濁涕稠黏，屢藥不效，已經三年。宿診視，兩寸浮數。曰：鬱火病也。患者曰：昔醫皆作腦寒主治。子何懸絕？若是耶？經曰：諸氣臍鬱，皆屬於肺。河間云：肺熱甚，則出涕。故熱結鬱滯，壅塞而氣不通也。投以升陽散火湯，十數劑，病如失。

震按：韓懋治鼻瘻臭而痛，以白礬末加礪少許，吹之，化水而消，其藥太峻。又謂此厚味，壅滯熱蒸於肺門，如雨霽之地，突生芝菌，乃用勝溼湯加瀉白散，二劑而愈。其說甚是。至於類案所載，鼻中毛出長一二尺，漸粗如繩，又鼻流腥臭水，碗盛之有鐵色，蝦魚走躍，此則莫須有矣。

癆瘵

應宿北遊燕，路過山東，孫上舍長子文學病瘵，延江診視，曰：無能爲矣。經云：大肉已脫，九候雖調，猶死。而況於不調乎？時夏之半，六脈弦數，既泄且痢。脾傳之腎，謂之賊邪，病已極矣。不出八月，水土俱敗，至期而逝。敢辭。

痿

孫曰：內人請脈之，形容豫順，語音清亮，不顯言何證，診畢，孫問何病，江曰：寸關洪數，尺微欲絕，足三陽脈逆而上行，上實下虛，此痿證也。病雖久可治。孫曰：何因而得此？江曰：經云：悲哀太過，則胞絡絕。胞絡絕，則陽氣內動，發則心下崩，數洩血也。大經空虛，發爲肌痺，傳爲脈痿，有所失亡，所求不得，則發肺鳴，鳴則肺熱葉焦，發爲痿躄。此之謂也。孫曰：果因哭子憂傷，兩腳軟弱無力，不能起者，七越歲矣，或以風治而投香燥，或認虛寒而與溫補，殊無寸效。江曰：溼熱成痿，正合東垣清燥湯例，但藥力差緩，難圖速效，以獨味杜仲、空心酒、水各半煎服，日進清燥湯，下潛行散，兼旬出房門，無何病瘳，子死哀傷復作。

震按：上實下虛之病甚多，何以知爲痿證？始於形容豫順，語音清亮，而不起床，可權衡以決之。

耳

上舍孫順吾患耳鳴重聽，人事煩冗，雜治半年不愈。江視之，脈數滑。以二陳加瞿麥、扁蓄、木通、黃檗，一服知，二服已。

震按：耳鳴同治法各不同。若易而用之，彼此無效。故知治病之難難於識病也。

腹痛

黃水部新陽公患脾腎泄十餘年，五鼓初必腹痛，數如廁，至辰刻共四度。已午，腹微痛而泄，凡七八度。日以爲常，食少倦怠，嗜臥。診得右關滑數，左尺微弦無力。此腎虛而脾中有積熱也。投黃連、枳實丸，腹痛漸除，漸至天明而起，更與四神丸、八味丸滋其化源。半年飲食倍進而泄愈。

震按：此條本虛標實，又是一格局。先清後溫，卻是正法。

腳氣

予友人余近峯賈秣陵，年五十餘，患腳痛，臥不能起。年餘，脛與腿肉俱消。邑醫徐古塘昔患痺疾治愈，求其成方，初用當歸拈痛湯二服效。次用十

全大補湯。加枸杞子。防己。牛膝。葶藶。朝用六味地黃丸。加虎脛骨。牛膝。川葶藶。鹿角膠。服三年。豐鑠如初。徐云久久服之。自獲大益。幸勿責效於旦夕。信然。

震按。脚氣之病。近來罕見。或有足脛赤腫。痛不可忍。者。卽俗所謂流火也。或有手足互換而痛。肢節微腫。或熱或赤色者。卽書所謂行痺也。治去不外去溼清熱涼血。亦有用朮附桂枝者。要在辨其虛實。及溼熱寒溼之分耳。戴人項公之治法。殊可不必。若東垣案全似周痺。治法拈痛湯。分消其溼熱也。枳實大黃湯。驅逐其溼熱也。外有柳柳州所纂乾脚氣。左脅有塊大如石。痞絕且死。以杉木節。橘葉。檳榔。重便煎利之而愈。蔡元長忽如有蟲自足心行至腰間。卽暈絕。灸風市穴而愈。及楊梅仁治童貫。趙田螺傳兩股治童守約。今僅存其說。未有合其證而可以試用者。故不詳錄。